

**Oqaluuserisassanut nassuiaat.**

(Inatsisartut Siulittaasuut)

Sanaartornermut Ataatsimiititaliaq qinnuteqarpoq oqaluuserisassani immikkoortut 47 aamma 183 aappassaaneerneqarnissaasa ulloq 6. junimut kinguartinneqarnissaannik.

Immikkoortut pineqartut qulequtaraat:

Immikkoortoq 47: Illoqarfinni annerusuni arfineq marluusuni ungasissumiit kiassarnikkut, innaallagissamillu kiassarnikkut ullumikkuminngarnit suli annerusumik atorluaanerulernissarput siunertaralugu, Naalakkersuisut suliniuteqaqqullugit peqquneqarnissaannik Inatsisartut aaliangiiffigisassaattut siunnersuut. Illoqarfiit pineqartut tassaapput Ilulissat, Qasigianguit, Aasiaat, Sisimiut, Maniitsoq, Nuuk aamma Qaqortoq. aamma

Immikkoortoq 183: Ulloq 1. Januar 2018-imut qitiusumik kiassaateqarfinnut kissarsuuteqarfinnullu il.il. Namminersorlutik Oqartussanit toqqaannangitsumik toqqaannartumilluunniit pigineqartunut tamanut piginnittuunerup, akisussaanerup, ingerlatsinerup aserfallatsaaliinerullu il.il. Nukissiorfinni ataatsimut katersorneqarnissaat pillugu Naalakkersuisut peqquneqarnissaannut Inatsisartut aalajangiiffigisassaattut siunnersuut.

Oqaluuserisassani immikkoortup 11-p, 2016-imut Nunatta Karsiata naatsorsuutaasa akuersissutigineqarnissaannik siunnersuutip, siullermeerneqarnissaa ulloq 1. junimut kinguartinneqarpoq, naatsorsuutit kingusinaarlutik tunniunneqarnerat pissutigalugu.

Siumup oqaluuserisassani immikkoortoq 107 tunuartippaa.

Immikkoortoq 107: Nunatsinni innaarlutilinnut amigartumik naammaginangitsumillu neqerooruteqartarnej peqputigalugu Danmarkimi innarluutillit ullumikkut siunissamilu inissinneqartartut/tussat pillugit Nunatsinni innaarlutilinnut sullissivimmik pilersitsisoqassappat periarfissat unammillernartullu pillugit Naalakkersuisut kingusinnerpaamik 2017-ip naanginnerani saqqummiunneqartussamik nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. Immikkoortoq oqaluuserisassanit peerneqarpoq.

**Taasisarnerit pillugit isumaqatigiissuteqarput:**

Mala Høy Kúko, Atassut aamma Ane Hansen, Inuit Ataqtigiit  
Nivi Olsen, Demokraatit aamma Mimi Karlsen, Inuit Ataqtigiit